

**Grad Novi Pazar**

**Skupština grada**

**Odbornička grupa SDA Sandžaka**

**Novi Pazar**

**15. jun 2023. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O UKLANJANJU NAPUŠTENIH, NEISPRAVNIH I HAVARISANIH VOZILA SA JAVNIH POVRŠINA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 16. jun 2023. godine.

**Predsjednik odborničke grupe**

mr. Ahmedin Škrijelj

## **PRIJEDLOG**

Na osnovu člana 3. stav 1. tačka 4) i 7) Zakona o komunalnim delatnostima („Službeni glasnik RS“, broj 88/2011, 104/2016 i 95/2018), člana 20. stav 1. tačka 2) i 3), člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1. tačka 2), člana 46. stav 1. tačka 22), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 16. juna 2023. godine, donosi

## **O D L U K U**

### **o uklanjanju napuštenih, neispravnih i havarisanih vozila sa javnih površina**

#### **Član 1.**

Nalaže se Odjeljenju za inspekcijske poslove, Odjeljenju komunalne milicije i Javnom preduzeću “Parking servis” da javnih površina na teritoriji grada Novog Pazara uklone neispravna i havarisana vozila.

Obaveza iz stava 1. ovog člana, izvršiće se u roku od 30 dana od dana stupanja na snagu ove odluke.

#### **Član 2.**

Gradska uprava za izvorne i povjerene poslove sprovede potrebne radnje i aktivnosti u cilju blagovremenog obavještavanja građana i javnosti o sprovođenju mjera utvrđenih ovom odlukom.

#### **Član 3.**

Izveštaj o izvršenju obaveze utvrđene članom 1. ove odluke podnijeće se Skupštini grada Novog Pazara.

#### **Član 4.**

Ovu odluku objaviti u „Službenom listu grada Novog Pazara“.

## **SKUPŠTINA GRADA NOVOG PAZARA**

Broj:

U Novom Pazaru, 16. jun 2023. godine

**PREDSJEDNIK**

Dr. Anela Šemović

## **O B R A Z L O Ž E N J E:**

### **Pravni osnov za donošenje ove odluke sadržan je u:**

- članu 3. stav 1. tačka 4) i 7) Zakona o komunalnim delatnostima;
- članu 20. stav 1. tačka 2) i 3) i članu 32. stav 1. tačka 20) Zakona o lokalnoj samoupravi;
- članu 15. stav 1. tačka 2), članu 46. stav 1. tačka 22) i 147. Statuta grada Novog Pazara;
- i članu 137. Poslovnika Skupštine grada Novog Pazara.

### **Razlozi za donošenje odluke:**

Vršenje poslova komunalnih djelatnosti kao poslova koji pripadaju djelokrugu izvornih nadležnosti lokalne samouprave, između ostalog, podrazumijevaju i uklanjanje napuštenih, neispravnih i havarisanih vozila sa javnih površina. Napuštena, neispravna i havarisana vozila koja se nalaze na javnim površinama predstavljaju ozbiljan problem građanima i narušavaju izgled i čistoću grada. Adekvatno komunalno uređenje grada zahtjeva neodložno uklanjanje ovih vozila sa javnih površina. Nadležne gradske službe i javna preduzeća do sada se nisu bavili ovim pitanjem te nose odgovornost za selektivan i neadekvatan pristup rješavanju problema ove vrste koja pored toga što negativno utiču na izgled i čistoću grada takođe imaju i negativan uticaj na stanje životne sredine u Novom Pazaru i zdravlje stanovništva. Napuštena, neispravna i havarisana vozila, duži vremenski period stacionirana su na više lokacija u gradu čime, pored svega naprijed navedenog, otežavaju obavljanja pojedinih životnih funkcija od posebnog značaja za građane Novog Pazara.

### **Objašnjenje pojedinih rješenja propisanih ovom odlukom:**

Član 1: Utvrđen je predmet odluke odnosno obaveza nadležnih službi grada Novog Pazara da u roku od 30 dana od dana donošenja odluke sa javnih površina uklone neispravna i havarisana vozila.

Član 2: Propisana je obaveza Gradske uprave za izvorne i povjerene poslove da blagovremeno obavijesti javnost i građane o aktivnostima koje će se preduzeti na uklanjanju neispravnih i havarisanih vozila sa javnih površina.

Član 3: Utvrđena je obaveza podnošenja izvještaja Skupštini grada o realizaciji ove odluke.

Član 4: Propisana je obaveza objavljivanja u „Službenom listu grada Novog Pazara“.

**Finansijska sredstva za sprovođenje ove odluke obezbijediće se iz budžeta grada Novog Pazara.**